



BOSNIA AND HERZEGOVINA
INSTITUTE OF METROLOGY
OF BOSNIA AND HERZEGOVINA

Broj: 06-46-6-NT-31-8/15
Datum: 03.06.2015. godine

Na osnovu člana 4. stav 6. i članova 15., 16. i 17. Zakona o mjeriteljstvu Bosne i Hercegovine ("Službeni glasnik BiH" broj 19/01), člana 61. stav 2. Zakona o upravi ("Službeni glasnik BiH" broj 32/02 i 102/09) i člana 202. Zakona o upravnom postupku ("Službeni glasnik BiH" broj 29/02, 12/04, 88/07 i 93/09), te u skladu sa Pravilnikom o imenovanim mjeriteljskim laboratorijama ("Službeni glasnik BiH" broj 75/14), a na zahtjev firme: "TIOS" d.o.o. Ljubuški, ul. Zvonimirova 40, 88320 Ljubuški, BiH, direktor Instituta za mjeriteljstvo Bosne i Hercegovine (u daljem tekstu: Instituta) donosi:

R J E Š E N J E

O IMENOVANJU LABORATORIJE

1. Pravnoj osobi:

"TIOS" d.o.o. Ljubuški

Adresa: Zvonimirova 40, 88320 Ljubuški, BiH

(pun naziv i adresa podnosioca zahtjeva)

odjeljuje se status imenovane laboratorije na period od dana donošenja ovog Rješenja do 01.10.2015.godine.

2. U imenovanoj laboratoriji pravne osobe

"TIOS" d.o.o. Ljubuški

Laboratorija za verifikaciju mjerila za kontrolu ispravnosti motornih vozila (mjerila na stanicama tehničkog pregleda vozila)

obavljaće se verifikacija *mjerila*:

**-Kočione sile,
-Manometara za mjerenje pritiska u pneumaticima,
-Analizatora ispušnih plinova benzinskih motora,
-Opacimetri.**

3. Nadzor nad radom laboratorije vršit će Institut na osnovu člana 33. stav 2. Zakona o mjeriteljstvu BiH, najmanje jedanput godišnje i Pravilnika o imenovanim mjeriteljskim laboratorijama.

4. Pravna osoba je obavezna da vodi evidenciju verifikovanih mjerila i redovno dostavlja izvještaj o izvršenoj verifikaciji elektronskim putem (e-mail: verifikacijamjerila@met.gov.ba).

5. Pravnoj osobi se iz tačke 1. ovog Rješenja dodjeljuju se verifikacione oznake sa brojem **S10**.

Obrazloženje:

Pravna osoba "TIOS" d.o.o. sa sjedištem u Ljubuškom podnijela je dana 20.04.2015. godine Institutu zahtjev za produženje rješenja o imenovanju laboratorije za verifikaciju mjerila za kontrolu ispravnosti motornih vozila (mjerila na stanicama tehničkog pregleda vozila).



Komisija imenovana od direktora Instituta (rješenje broj: 06-46-6-31-4/15), imala je zadatak da utvrdi kompetentnost laboratorije za poslove verifikacije mjerila za kontrolu ispravnosti motornih vozila (mjerila na stanicama tehničkog pregleda vozila).

Neposrednim uvidom u priloženu dokumentaciju i izlaskom na lice mjesta (datum ocjenjivanja je 01.06.2015. godine), a u skladu sa članom 4. stav 6. Zakona o mjeriteljstvu Bosne i Hercegovine i Pravilnikom o imenovanim mjeriteljskim laboratorijima, komisija je utvrdila sljedeće:

- (1) Laboratorija zadovoljava uslove utvrđene Pravilnikom o imenovanim mjeriteljskim laboratorijima i standardom BAS EN ISO/IEC 17020:2013 i zahtjeve inspeksijskog tijela tipa C.
- (2) Poslove tehničkog rukovodioca obavlja Rajko Drk, a QM laboratorije je Željko Rezdeušek.
- (3) Tehnički rukovodilac laboratorije kao i svi uposleni u laboratoriji su upoznati sa postupkom verifikacije mjerila - za kontrolu ispravnosti motornih vozila (mjerila na stanicama tehničkog pregleda vozila), održavanja mjerne i druge opreme, te se obavezuju da će se u poslovanju laboratorije pridržavati sljedećih propisa:
 - Zakona o mjeriteljstvu BiH ("Službeni glasnik BiH" broj 19/01);
 - Pravilnika o imenovanim mjeriteljskim laboratorijima ("Službeni glasnik BiH" broj 75/14);
 - Podzakonskih propisa donesenih po osnovu Zakona o mjeriteljstvu BiH;
 - Podzakonskih propisa koji su ostali na pravnoj snazi iz SFRJ;
 - Međunarodnih preporuka za zakonsko mjeriteljstvo.
- (4) Laboratorija posjeduje certifikate o kalibraciji za radne etalone.
- (5) Sastavni dio ovog rješenja je Prilog I u kojem je dat spisak zaposlenog osoblja i specificirani opseg rada laboratorije.

Administrativna taksa po tarifnom broju 1. i 3. Zakona o administrativnim taksama i tarifi administrativnih taksi sa relevantnim izmjenama i dopunama ("Službeni glasnik BiH" br. 16/02; 19/02; 43/04, 08/06), u iznosu 5,00 KM i 15,00 KM, naplaćena je od podnosioca zahtjeva.

Slijedom svega navedenog ovaj organ je u provedenom postupku utvrdio da podnositelj zahtjeva ispunjava uslove procedure za imenovanje laboratorije, koje svaka pravna osoba mora ispuniti na način kako je to propisano odredbama člana 15. stav 2. Zakona o mjeriteljstvu Bosne i Hercegovine, te Pravilnika o imenovanim mjeriteljskim laboratorijima, je odlučio kao u dispozitivu ovog rješenja.

Pouka o pravnom lijeku: Protiv ovog rješenja nije dozvoljena žalba, ali se može pokrenuti upravni spor pred Sudom Bosne i Hercegovine u roku od šezdeset (60) dana od dana prijema ovog rješenja.



Dostavljeno:

- Naslovu
- a/a

PRILOG I: Spisak zaposlenog osoblja i opsega aktivnosti verifikacije